



ՍՈՒՐԲ ԶԱԿՈՒՄ ԱՌԱՋՆՈՐԴԱՆԻՍՏ ՄԱՅՐ Ե ԿԵՂԵՑԻ

Տօն Սուրբ Էջմիածնի
11 ՅՈՒՆԻՍ 2023

Կիրակնօրեայ Ընթերցումներ
Ծանուցումներ

Էջ 1
Էջ 2

ԸՆԹԵՐՑՈՒՄ ԱՌԱԿԱՑ ԳԻՐՔԵՆ (9.1-6)

Իմաստութիւնը իր տունը շինեց,
եօթը սիւներու վրայ կանդնեց զայն.
Իր զոհերը մորթեց,
համեմով խառնեց իր գինին
եւ կոչունքի սեղանը պատրաստեց:
Ապա իր ծառաները զրկեց
որպէսզի քաղաքին բարձունքներէն կանչեն
իր բերնով.
«Ո՞վ անզգամներ, ինծի եկէք»,
եւ պակասամիտներուն ըսեն.
«Եկէք իմ հացէս կերէք
եւ իմ պատրաստած գինիէս խմեցէք.
Թողուցէք անզգամութիւնը, որպէսզի ապրիք.
իմաստութիւնը փնտռեցէք, որպէսզի
փրկուիք,
եւ խոհեմութեան ճամբան բռնեցէք»:

ԸՆԹԵՐՑՈՒՄ ԶԱՔԱՐԻԱ ՄԱՐԳԱՐԻՒ ԳԻՐՔԵՆ (3.7-4.9)

Այսպէս կ'ըսէ Ամենակալ Տէրը.- «Եթէ իմ
ճամբաներէս քալես եւ իմ հրահանգներս
կատարես, քեզ իմ տաճարիս կառավարիչ եւ
իմ սրահներուս պահապան պիտի կարգեմ, եւ
հոս կանգնած հրեշտակներուն պէս՝ ազատ
պիտի ըլլաս սրբարանս՝ իմ ներկայութեանս
մտնելու: Լսէ՛ ուրեմն, ո՞վ թեսու, մեծ
քահանայապետ, դուն եւ քու դիմացդ նստած
քահանայ ընկերներդ, որովհետեւ դուք գալիք
բարիքներուն պատկերացումն էք: Աչա ես

պիտի զրկեմ իմ ծառաս, որ Հնձիւղ պիտի
կոչուի: Որովհետեւ ահա թեսուի առջեւ քար
մը կը դնեմ, որ եօթը երես ունի: Անոր վրայ
ես իմ արձանագրութիւնս պիտի փորագրեմ:
Մէկ օրուան մէջ պիտի վերցնեմ այս երկրին
անօրէնութիւնը: Երբ այդ օրը գայ,- կ'ըսէ
Ամենակալ Տէրը,- ձեզմէ իւրաքանչիւրը իր
ընկերը պիտի հրաւիրէ իր որթատունկին կամ
թղենիին տակ հանգչելու»:

Հրեշտակը, որ հետս կը խօսէր, վերադարձաւ
եւ զիս արթնցուց ճիշդ ինչպէս քնացած մէկը
կ'արթնցնեն, եւ հարցուց ինծի:

- Ի՞նչ կը տեսնես:
Պատասխանեցի.

- Զոյլ ուկիէ աշտանակ մը կը տեսնեմ,
որուն վրայ գնտաձեւ ձիթաման մը եւ եօթը
ճրագներ կան, իւրաքանչիւրը յատուկ
բերանով մը: Աշտանակի կողքին երկու
ձիթենիներ կան, մին գնտաձեւ ձիթամանին
աջին, իսկ միւսը ձախին:

Ապա հարցուցի ինծի հետ խօսող
հրեշտակին.- «Ի՞նչ են ասոնք, ո՞վ Տէր»: Եւ
պատասխանեց. «Զե՞ս գիտեր ինչ են ասոնք»:
«Ո՞չ, Տէր», - պատասխանեցի: Այն ատեն
հրեշտակը ինծի բացատրեց.

«Տէրը այս պատգամը կու տայ Զօրաբարելի:-
“Մեծ զօրքով կամ զէնքի ոյժով չէ, որ պիտի
յաջողիս,- կ'ըսէ Ամենակալ Տէրը,- այլ իմ
չոգիովս: Ո՞չ մէկ դժուարութիւն պիտի
կանգնի գիմացդ, եւ նոյնիսկ եթէ լերան մը
պէս ըլլան՝ պիտի հարթուին դաշտի նման:
Իմ ժառանգութիւնս եղող տաճարին վերջին
քարը դու՛ւն պիտի դնես եւ այնտեղ իմ
շնորհքս պիտի բնակի”»:

Տէրը դարձեալ ինծի խօսեցաւ, ըսելով.
«Զօրաբարելի ձեռքերը դրին այս տան հիմերը
եւ նոյն այդ ձեռքերը պիտի աւարտեն անոր

շինութիւնը: Երբ ասիկա կատարուի՝ պիտի գիտնաք, թէ Ամենակալ Տէրը դրկեց զիս ձեզի»:

ՊՕՂՈՍ ԱՌԱՔԵԱԼԻ
ԵԲՐԱՅԵՑԻՆԵՐՈՒՆ ԳՐԱԾ ՆԱՄԱԿԻՆ
(9.1-10)

Արդարեւ, առաջին Ուխտը իրեն յատուկ պաշտամունքի կանոններ եւ երկրաւոր սրբարան մը ունէր, երկու վրաններէ բաղկացած: Նախ կար արտաքին վրանը, Սրբութիւն կոչուած, ուր կային աշտանակը եւ առաջաւորութեան հացերուն սեղանը: Ապա երկրորդ վարագոյրին ետին կար միւս վրանը, Սրբութիւն Սրբութեանց կոչուած, ուր կային ոսկեայ սեղանը՝ խունկ ծխելու համար եւ ուխտի Տապանակը՝ ներսէն ու դուրսէն ոսկեպատ, որուն մէջ կը պահուէին մանանայով լեցուն ոսկեայ սափորը, Ահարոնի ծաղկած գաւազանը եւ ուխտի տասնաբանեայ պատուիրաններուն քարէ տախտակները: Տապանակին վրայ կային Աստուծոյ փառքը ներկայացնող քերովբէները, որոնք իրենց թեւերով հովանի կ'ընէին Քաւութիւն կոչուած կափարիչին վրայ: Ուրիշ մանրամասնութիւններու մասին խօսիլ չեմ ուզեր հիմա:

Սրբարանը այդպէս յարդարուած էր ուրեմն: Քահանաներ պաշտամունքը կատարելու համար մշտականօրէն կը մտնէին առաջին վրանը: Բայց երկրորդ վրանը միայն քահանայապետը կը մտնէր տարին մէկ անգամ, այն ալ՝ իր եւ ժողովուրդին անգիտութեամբ գործած մեղքերուն փոխարէն զոհի արիւնը մատուցանելու համար Աստուծոյ: Այդ բոլորով Սուրբ Հոգին ցոյց կու տար թէ որքան ատեն

Թերթիւն և ակնորդ թիւնը
ԿՐԱՎ ԳՏԱԵԼ
www.sourphagop.net
ԿԱՅՔԵԶԻ ՎՐԱՅ

Սոյս թերթիւնը եւ ակնակով ստանալու
ՀԱՄԱՐ ՁԵՐ Եւ ՀԱՍՑԵՆ ՈՒՂԱՐԿԵՑՔ
eglise@sourphagop.net

որ արտաքին վրանը կանգուն կը մնար՝ բուն Սրբարանին մուտքը մեր առջեւ փակ էր, ինչ որ խորհրդանշականօրէն կը ցուցնէ թէ ներկայիս այդ Սրբարանը բաց է մեր առջեւ: Այստեղ մատուցուած նուէրներն ու զոհերը չէին կրնար մաքրել պաշտամունքը մատուցանողին խղճմտանքը, որովհետեւ միայն ուտելիքի, խմելիքի եւ մարմնական մաքրութեան համար սահմանուած պէսպէս լուացումներու կապուած էին: Եւ այդ կարգերը ի զօրու էին մինչեւ ուղղութեան, այսինքն նոր կարգերու հաստատման ժամանակը:

ՅԻՍՈՒՄ ՔՐԻՍՏՈՍԻ ԱԻԵՏԱՐԱՆԷՆ
ԸՍ ՅՈՎՃԱՆՆԻՍԻ
(10.22-30)

Q մեռ էր. երուսաղէմի մէջ տաճարին նաւակատիքի տօնակատարութիւնը տեղի կ'ունենար: Յիսուս տաճարին Սողոմոնի սրահին մէջ կ'երթեւեկէր, երբ իր շուրջ հաւաքուեցան հրեաները եւ հարցուցին. «Մինչեւ ե՞րբ մեր հոգին պիտի հանես. եթէ դուն ես Քրիստոսը՝ յստակ ըսէ՛ մեզի»:

Յիսուս պատասխանեց. «Արդէն իսկ ձեզի ըսած եմ, սակայն չէք հաւատար: Այդ գործերը որ Հօրս անունով կը կատարեմ, անոնք իսկ կը վկայեն՝ թէ ո՛վ եմ ես: Բայց դուք չէք հաւատար, որովհետեւ իմ ոչխարներէս չէք: Ես ոչխարներս կը ճանչնամ. անոնք ձայնս կը լսեն եւ կը հետեւին ինծի, ու ես անոնց յաւիտենական կեանք կու տամ, անոնք բնաւ պիտի չկորսուին: Ո՛չ ոք պիտի կարենայ զանոնք յափշտակել իմ ձեռքէս: Հայրս այդ ոչխարները ինծի տուաւ, եւ ոչ ոք կրնայ յափշտակել զանոնք իմ Հօրս ձեռքէն, որովհետեւ Հայրս բոլորէն աւելի մեծ է: Ես եւ Հայրս մէկ ենք»:

ՀՈՎԵԼԱՎԱՏԵԱՆ
ՁԵՐ ԱՐՁԱՆԱԳՐԻԹԻՒՆԵՐԸ
ԱԿԽՈՐԾ ԿԱՏԱՐԵՑԵՔ ԿԱՊՈՒԵԼՈՎ
ԵԿԵՂԵՑԻ ԳՐԱՍԵՆԵԼՎԿ՝
514 331 5445 #202